

Te tia Kakoaua

Iroun Beretitenti Henry B. Eyring
Te Moan Kauntira n te Moan Beretitentii

Ana Boki Moomon bon te kabanea n tamaroa ni kairiiri nakon reireiara raoi ao ni karaoan ae raoiroi riki.

I kakaitau ibukin te tai aio n taetae nakoimi n te Taabati aei n ana Maungatabu ni Kabuta ana Ekaretia Iesu Kristo ibukia Aika Itiaki ni Boong aika Kaitira. Kaain te Ekaretia n tatabemania nako iai tabeia naba ae tabu. Ti butimwaa ai ao ni berita ni karietaira nako iai ngke ti bwabetitoaki. Ti reireinaki man ana taeka Aramwa, ana burabeti ae kakannato ana Boki Moomon, are ti berita ma te Atua bwa ti na kona: “N tauraai n tang ma ake a tang; eng, ao ni karau nanoia ake a kainnanao karauan nanoia, ao n riki bwa taan kakoaua ibukin te Atua n taainako ao ni bwaai nako, n taabo nako ake kam nako iai, ni karokoa matemi, bwa kam aonga ni kabooaki iroun te Atua, ao rin ibuakoia ake a na ira te moan mangauti, bwa e aonga n reke iroumi te maiu are akea tokina” 1

Aio te tabe ae kakawaki ao te berita ae mimitong mairoun te Atua. Au rongorongo n te bong aio bon te rongorongo ni kaunga nano. Ngkai ana Boki Moomon e kamata te tiati nakoira, e kairiirarake iaon te kawai nakon te maiu ae akea tokina.

Te moan, ti berita bwa ti na riki bwa ti na karekea te tangira ae kororaai. Te kauoua, ti berita bwa ti na riki bwa taan kakoaua ibukin te Atua. Ao te kateniua, ti berita bwa ti na teimatoa. Ana Boki Moomon bon te kabanea n tamaroa ni kairiiri nakon reireiara raoi ao ni karaoan ae raoiroi riki.

Ti a waaki moa ma te tangira ae kororaai. N na kauring ngkami ibukin bwaai aika tibwa riki. Angiina mai buakomi a tia n iira te bong n ibuobuoki. Iai tenga mwaitin bong ni mwakuri ake a barongaki ni kabuta te aonaaba.

Te kauntira ibukii raora aika Itiaki a tataro ni kan ataia bwa tera te mwakuri are a na baireia. A titirakina te Atua bwa antai ae a na ibuobuoki nakoia. Ao tera te mwakuri n ibuobuoki ae a na karaoia, ao antai ae a na kaoia bwa a na iiria. Tao a na bon tataro naba bwa a na aki mwaninga tiabora ao te ran ni moi. Ae kakaawaki riki, a tataro bwa ni kabane ake a karaoa te mwakuri n ibuobuoki ao ni kabane ake a karekea a na namakina ana tangira te Atua.

I ataia bwa tataro akanne a kaekaaki n aki kee i aan teuana te uote. E raka i aon 120 membwa ake anga nanoia bwa a na ibuobuoki. Inanon teniua te aoa a kaitiaka ana tabo te umantabu inanon ara kaawa. Bon te mwakuri ae matoatoa man kakukurei. Minitan aro ake e karaoaki iai te kaitiaki a kaota te kakaitau. Ni kabane ake a mwakuri n te bong anne a namakina te katiteuanaki ao te tangira ae raka riki. Tabeman a taku bwa a namakina te kukurei ngke a kou uteute ao ni koroi ni kabooraai aroka.

Taeka man ana Boki Moomon e buokiia n ataia bwa bukin tera a namakina te kimwareirei anne. Bon te uea ae Beniamina are e taku nakoia ana aomata, “Ao taraia, bwa ngkana kama bekutata ibukiia raomi ao kam bon ... beku naba iroun Atuami.”² Ao bon Moomon are e reirei n ana taeka n ana Boki Moomon, “Ma te tangira ae kororaai bon ana tangira Kristo ae itiaki, ae e teimatoa n uaa te toki; ao ane e kuneaki irouna n te kabane ni bong, e na bon nakoraai ibukina.”³

Te Uea e kawakina Ana berita nakoim ngke ko kawakina am berita. Ngkai ko buokiia tabeman Ibukina, E kariaiako bwa kona namakina Ana tangira. Ao i nanon te tai, te namakin ibukin te tangira ae kororaai ao e a karikiko bwa antai ngkoe. Ao ngkana ko karekea ana berita ana Boki Moomon ngkai ko reitinako ni beku ibukia tabeman n te maiu aei, bwa a na bane n nako raai bwaai iroum.

N aron am berita nakon te Uea bwa ko na riki ni kororaai n tangira, ko berita bwa ko na riki bwa ana tia kakoaua n tabo nako are ko na mena iai i nanon maium. Riki, ana Boki Moomon bon te kabanea n tamaroa ni kairi are I ataia ae e na buokiira ni kawakina te berita anne.

N te taina ao I kaoaki bwa N na taetae n tain te anga bebwa n teuana te uniwetiri. Te beretitenti n te uniwetiri e tangira Beretitenti Gordon B, Hinckley bwa e na kaoaki, ma e aki tauraoi. Ai ngaia are ibukin aei ao I anganaki te kakao. I a bon tibwa kaaina ngkanne te Kooram n Abotoro n te Tengaun ma Uoman.

Te aomata are e kaoai bwa N na taetae e a rikirake n ingainga ngkai e a ataaki riki aron au mwakuri ngkai te Abotoro. E weteai neiei n te tarebon ao e taku bwa e a ataa ngkai au mwakuri bwa bon ana tia kakoaua Iesu Kristo.

N te bwana ae matoatoa e tuangai bwa I aki kona ni karaoa anne ngkana I taetae ikekei. E kabwarabwara bwa te uniwetiri e karineia aomata man aro ni kabane, n ikotaki ma aomata ake a kakeaa te Atua. E kaokia riki, “Ko aki kona ni kakoroa bukin tabem ikai.”

I taua te tareboon ma te titiraki i nanon au iango. N na riai n tuanga te uniwetiri bwa N na aki kawakina au boraraai n taetae? Ai bon ti uoua te wiiki imwaain te tai. Kaotiu ikekei e

a tia ni katanoataaki. Tera ae na riki ngkana I aki kawakina au boraraoi i aon aran te Ekaretia ae tamaroa?

I tataro ni kan ataia bwa tera ae e na tuangai te Atua bwa N na karaoia. Te kaeka e roko nakoiu n te kawai ae kamimi. I ataia bwa aia katotoo Nibwaai, Abinataai, Aramwa, Amureki, ao natin Motiaea mwaane a kabonganaki n aron ae I a riki iai. Bon ana taan kakoaua Iesu Kristo aika a ninikoria ngkana a kaitaraaki ma kangaanga aika kamamate.

Ai ngaia are ti te rinerine ae na karaoaki ma ti aron au katauraoi. I a karaoa au kakae i aon bwaai ni kabane ake I kona n reiakin ibukin te iuniwetiri. Ngke e a kaan n roko bongin au taetae, raraomau e a rikirake ao au tataro e a kakorakoraaki.

N te kakai n ai aron Taari ae Uraura ngke e a tabwena, I kunea te rongorongoe ae boou. Te iuniwetiri arei e a tia ni karineaki ibukin karaoan te bwai ae ti te arona ma are e a tia te Ekaretia n reirei iai ni karaoia ibukin ana kekeiaki te botanaomata ni kabuta te aonaaba. Ao ai ngaia are n au taetae I kabwarabwara are ti karaoia ao are a karaoia n tabekiarake aomata ake a rangi ni kainnana. I taku bwa I ataia bwa Iesu Kristo bon te oi man kakabwaia ake a tia n roko i nanon maiuia te koraki ake ngaira ao ngaia a tia ni buokiia.

Imwiin te bootaki kaaina a teirake n uboubo, are e taraa n ae e rangin boou nakoiu. I bon mimii ma bon iai teutana te namakin n raraoma. I uringa te bwai are e riki nakon Abinataai. Ti Aramwa are e a tia ni butimwaea ana kakoaua. Man te bong anne, n tain te katairiki ae bubura, I ongo bwanaan te beretitenti man te iuniwetiri n taku bwa inanon au taetae anne e ongo ana taeka te Atua.

Ngkai, n aron te bwai are e riki ae kamimi ni kaotina e bon rangi ni karako i nanon au taneiai ngke I riki bwa ana tia kakoaua Kristo. Ma mwiin ana Boki Moomon i aon kateim ma korakoram ao kaungakim bwa te tia kakoaua ibukin te Atua e bon koaua. Te reirei ao katotoo aika ninikoria i nanon ana Boki Moomon e na tabekikorake, kairiko, ao e na kaunga nanom.

N tatabemania nako mitinare are a tataekina aran ao ana euangkerio Iesu Kristo a na kakabwaiaaki man kawakinan ana taeka Kristo man ana Boki Moomon. Kaaro ake a korakai ni karekea te kakoaua iroun te Tia Kamaiu nako nanon te nati a na buokaki ngkai a kakaea te kawai ni karokoi taeka ao te tamnei man ana Boki Moomon i nanon te mweenga ao ni maiuia te utu ni kabanea. Anne are e a tia ni kakoauaki ibukira.

I kona n noora te kakai anne n riki ni katoa te bootaki n toa ao te kiraati n tatabeua are I iria n te Ekaretia. Taan taetae ao taan reirei a kaota te tangira ao te atatai ae e matoa man booki aika tabu, ai moarara riki ana Boki Moomon. Ao kakoaua aika onoti e mataata n

roko mai kabin nanoia. A reirei ma te koaua ae rikirake ao a kaota te kakoaua ma te mwaaka.

I noori kakoaua naba anne bwa ti a karaoa ae e raoiroi riki n te kateniua ni mwakoro n te berita are ti karaoi ni kabane n te bwabetito. Ti karaoa te berita ae tabu bwa ti na teimatoa, ni kawakina ana tua te Atua ngkai ti maiu.

I kawara ana ruu raoraou ngkoa n te onaoraki are e tia ni kuneaki bwa iai te kaentia irouna are a akea katokana. I kairiia uoman natiu aine aika kairake. I aki kantaningaia bwa e na kona ni kinaia. Bon ana utu a ikotaki n tei ni katobibia ana kainiwene ngke ti rinnako.

E tararake ao e matangare. I aki toki n uringnga tarakina ngke e nooria bwa ti airi ma natira aine. E anoanoia bwa a na keerake ni kaaniia i aon te kainiwene. E tekateka, n rabwatiia, ao ni kabwarabwaraia nakoia ana utu. E taetae i aon kakannatoia ataeinaine akana uoman akanne. Ai aron are e a kairiia nati n uea aine nakon te auti n uea.

I kantaningaia bwa ara kakawari e na waekoa n toki. E koaua, n au iango I taku, bwa e a kua. Ma ngke I taraia e taraa n ae kanga a bwakanako ririki. E bon kukurei ao e oti te mata ae kaonaki n te tangira ibukira ngaira ni kabane.

E taraa ni kukurei n te tai anne n ai aron ae e toki te tai. E a tia ni kabanea angiin maiuina n tararuia natin te Uea. E ataia man ana Boki Moomon bwa karakinan te Tia Kamaiu ni manga utina e a tia n anaia ataei temanna imwiin temanna, e kakabwaiiaia, ao ngkanne e manga tang ibukin te kukurei.⁴ E a tia n rinanon te mwakuri ni kakukurei anne n tau maanna ibukina ni kona n teimatoa i nanon ana mwakuri n tangira ni uaa te toki.

I noora te kamimi ae ti tearona i nanon ana ruu ni matu te mwaane are e a tia n anga te mwakuri n ibuobuoki ae tau ae kakaonimaki nakon iangoana bwa e a tia ni karaoa ae e tau nakon te motirawa

I ataia bwa e a tia n rinanon te bwai n aoraki ae maan ao ni kammaraki ibukin te aoraki ao n tia n tuangaki irouia taokita bwa akea tokina. Bon akea riki te bwainaoraki ke te kantaninga ae a kona n anga.

Kaainabana te aine e kairai nakon ana ruu n aia auti. E mena ikekei, ni wene i aon nuukana i aon te kainiwene are e tia ni karauaki ni karaoaki. E kunnikainna n te kabwaraaki ae e a tibwa katiraaki ae mainaina, e neketainna, ma ana kau aika boou.

E kubanako ngke e noora matau ao e ngare ni karaurau ao e kabwarabwara, “Imwiin are ko anganai te kakabwaiia, I tangiria n tabeka kieu ao n nakon au auti ni mwakuri.” Ma e

bon mataata bwa e a tauraoui ibukin te itaramata are e nang karaoia n te tai ae e aki maan ma ana Mwatita, ibukina are e a tia ni kakaonimaki ni mwakuri.

Bon te katotoo ibukiia Aomata aika Itiaki ni Boong aika Kaitira ake a tia ni bwanin rairakiia ake I kaitibo mangaai angin te tai i mwin anganakon maiuia n te beku ae bane nanoia iai. A waaki nako.

Beretitenti Marion G. Romney e kabwarabwara bwa aio te kawai: “Inanon temanna are e a tia raoui n rairaki, tangiran bwaai aikoa kaitara ana euangkerio Iesu Kristo are e a tia ni mate, ao n oneaki mwiina ai ngaia bon ana tangira te Atua ma te nano ae katauaki ao n nanomatoa ni kawakina ana tua.”⁵

Bon te nano n nanomatoa are I a noora riki ae bati n tainako irouia ana reirei Iesu Kristo aika mwaatai. N aiaron te aine ngke e kamauriia natiu aine ao te mwaane n ana kau ae boou e tauraoui n teirake ao ni mwaati, ao n iira Ana tua te Tia Kamaiu n uaa te toki. Ni kabane ngkami kam a tia n nooria.

Ko kona n taraia riki ngkana ko oki nakon ana Boki Moomon. I teimatoa n namakina te karineaki i nanou ngkana I wareki taeka aikai man nanomatoaia ana toro te Atua ae a kara: Bwa n te tai aio ao e ruru rabwatau n au tai n taetae nakoimi; ma te Uea ae te Atua ... e buokai, ao e tangiria bwa N na taetae nakoimi.”⁶

Ko kona ni karekea te ninikoria n aiaron ae I karaoia man te katotoo man te kekeiaki are e anganiira Moronaai. Bon ti ngaia n ana mwakuri. E ataia bwa tokin maiuna e kan nakoina. Ao e ngaie n anne kakauongo nakon te bwai are e koroia ibukin kabwaiiaia aomata ake a tuai ni bungiaiki ao kanoan ana kairiribai n te maiu aei: “Eng, nakomai nakon Kristo, ma ni kakororaoui irouna, ao ma ni kakeai mai iroumi bwaai ni kabane aika tiaki aron Atua; ao ngkana kam kakeai bwaai ni kabane aika tiaki aron Atua, man tangira te Atua ma korakorami, ami iango ao marurungimi, ao ngkanne e na tau ana akoi ibukimi, ao man ana akoi ao kam kona ni kororaoui iroun Kristo.”⁷

Moronaai e anga te kakoaua anne bwa te taeka ni karaure nakon maiuna ao ana mwakuri. E kaumaka te tangira ae kororaoui, n aiaroia burabeti inanon ana Boki Moomon. E ikota ana kakoaua ibukin te Tia Kamaiu ngke e a roko te mate i mwaaina. Bon natin ni koaua te Atua ae rairaki, n aiaron ae ti kona ni kaonaki ma te tangira ae kororaoui, n aki bibitaki ao n akea te maaku bwa ana tia kakoaua te Tia Kamaiu ao Ana Euangkerio, ao n nano matoa ni uaa te toki.

Moronaai e reireinira te bwai are e tangiraki mai iroua. E taku bwa te moan mwaneka nakon te rairaki ae bwanin bon te onimaki. Kamatebwaian ana Boki Moomon ma te tataromwaaka e na katea am onimaki iroun te Atua te Tama, Natina ae Ana Rikitemanna,

ao Ana Euangkerio. E na katea am onimaki irouia ana burabeti te Atua, ake ngkekei ao ngkai.

E kona ni uotiko ni kaaniko nakon te Atua nakon booki riki tabeua. E kona ni bita te maiu ni karaoiroia riki. I kaumaki ngkami ni karaoa are e karaoia raou ni mitinare. E birinako man mweengana n ana ririki ae tebwi tabun, ao temanna e karina ana Boki Moomon n te baoki are e uotia nako bwa iriana inanon kakaeon te kukurei ae bati riki.

A nako ririki. E mwaing man te tabo teuana nakon teuana ni kabuta te aonaaba. E a bon maroaa ao n aki kukurei n te bongina ngke e noora te baoki. Te baoki anne e onrake ni bwaai ake e uotii. I kabin te baoki, e kunea ana Boki Moomon. E wareka te berita inanona ao ni kataia. E ataia bwa e koaua. Te kakoaua anne e bita maiuna. E kunea te kukurei riaon miina are e rangi n tatangiria.

Am kaobi n ana Boki Moomon e kona n aki warekaki ni mwaitina are e bon riai, ibukin tabem ma am mwakuri ni katoa bong. I butingkami ni kamatebwaia, ao n taainako man baana. Iai inanona bwaninin ana euangkerio Iesu Kristo, are bon ti ngaia te kawai nakon mweenga iroun te Atua.

I katikui iroumi au koaua bwa te Atua e maiu ao e na kaekai ami tataro. Iesu Kristo bon te Tia Kamaiu n te aonaaba. Ana Boki Moomon te tia kakoaua ae koaua bwa E maiu, bwa bon Ngaia ara Tia Kamaiu ae e a tia ni manga kautaki ao ni maiu.

Bwaai aika a na taraaki

1.

Motiaea 18:9.

2.

Motiaea 2:17.

3.

Moronaai 7:47.

4.

Taraa 3 Nibwaai 17:21–22.

5.

Marion G. Romney, inanon te Ribooti ni Maungatabu Conference Report, Okitobwa.
1963, 23.

6.

Motiaea 2:30.

7.

Moronaai 10:32.